

OBRAZLOŽENJE

uz finansijski izvještaj o izvršenju budžeta Ministarstva civilnih poslova BiH
za period 01.01. – 31.12.2022. godine

Operativni budžet Ministarstva civilnih poslova BiH za 2022. godinu je u ukupnom iznosu od 12.391.000,00 KM. Odlukama o privremenom finansiranju institucija BiH za period od 01.01. do 30.06.2022. godine utvrđena je visina sredstava za privremeno finansiranje i raspored rashoda koji u svojim iznosima omogućava obavljanje aktivnosti koje su utvrđene zakonom za svakog budžetskog korisnika. Instrukcijama od strane MFT BiH za sačinjavanje operativnih planova po tom osnovu utvrđeni su načini raspoređivanja sredstava po ekonomskim kategorijama. U predmetnim dokumentima nije navedeno da se ne trebaju provoditi aktivnosti planiranja grant sredstava iz nadležnosti institucija. Operativni budžet se planira na osnovu budžeta MCP BiH za 2021. godinu koji je iznosio 11.593.000,00 KM, a limit za planiranje je 11.528.000,00 KM (umanjen za 65.000,00 KM koji se odnose na kapitalne izdatke). Planirana dinamika je reducirana na realizaciju osnovnih planskih zadataka shodno odluci o privremenom finansiranju za period izvještavanja.

U okviru ukupnog iznosa budžeta, na državne komisije Ministarstva raspoređen je iznos od 258.000,00 KM (Komisija za UNESCO, Državna komisija za granice BiH, Komisija za deminiranje u BiH i Komisija za koordinaciju pitanja mladih u Bosni i Hercegovini) i na tekuće grantove 5.990.000,00 KM.

Ukupno utrošena sredstva u MCP BiH iznose 11.536.924,00 KM, od toga Državna komisija za granice BiH 27.135,00 KM i Komisija za deminiranje u iznosu od 19.997,00 KM. Komisija za UNESCO i Komisija za koordinaciju pitanja mladih u Bosni i Hercegovini nisu imali troškova u ovom periodu. Za grantove je utrošen iznos od 5.559.980,00 KM.

U skladu s Odlukom Vijeća ministara Bosne i Hercegovine VM broj: 64/20 od 17.3.2020. godine, u ovom periodu je posebno uređeno postupanje Ministarstva civilnih poslova Bosne i Hercegovine i rad zaposlenih u Ministarstvu u periodu trajanja globalne pandemije novim virusom korona (COVID-19) za sve vrijeme trajanja posebne okolnosti ugroženosti javnog zdravlja u BiH. Ovim je utvrđen način održavanja procesa rada u smanjenom obimu, Programi posebnih namjena koji su finansirani donatorskim sredstvima i višegodišnji kapitalni projekat imali su na raspolaganju sredstva u iznosu od 22.674.032,00 KM, a sastoje se iz prenosa prošle godine 20.814.487,00 KM. U toku godine izvršen je povrat sredstava donatoru u iznosima od 9.551,31 KM i 145.484,00 KM, a izvršene se uplate u ovom periodu u iznosu od 1.859.545,00 KM. Utrošeno je ukupno 3.056.543,00 KM po tom osnovu.

Sredstva za plate

Utrošeno je 4.313.234,00 KM ili (95,00 %).

Po Pravilniku o unutrašnjoj organizaciji Ministarstva sistematizovano je 196 radnih mjesta. Projekcija plaća urađena je za 151 zaposlenih što je u skladu s limitom za 2021. godinu. Broj zaposlenih 31.12.2022. godine je 142. U ovom periodu su deset lica u statusu zaposlenih, a deset su napustila ministarstvo (pet lica po osnovu odlaska u penziju). Prilog Obrascu 4/1.

Naknade troškova zaposlenih

Utrošeno je u 2022.godini 731.995,00 KM (94,30 % od planiranih sredstava). Po Pravilniku o unutrašnjoj organizaciji Ministarstva sistematizovano je 196 radnih mjesta.

Projekcija plaća urađena je za 151 zaposlenih što je u skladu s limitom za 2020.godinu. U ovom periodu su deset lica u statusu zaposlenih, a deset su napustila ministarstvo (pet lica po osnovu odlaska u penziju). Prilog Obrascu 4/1.

Isplaćene su jubilarne nagrade u ukupnom iznosu od 10.516,00 KM, jedna naknade za pomoć u slučaju smrti, pet naknada u slučaju teže bolesti i pet otpremina u ukupnom iznosu od 49.203,00 KM.

Izvršena je alokacija sredstava tekuće rezerve u iznosu od 67.000,00 KM po osnovu Odluke Vijeća ministara Bosne i Hercegovine o odbravanju sredstava tekuće rezerve za isplatu jednokratne novčane pomoći zaposlenim u institucijama Bosne i Hercegovine (VM broj: 185/22 od 30.12.2022. godine. Sredstva su raspoređena na poziciju 611229 – Jednokratna novčana pomoć uposlenim u institucijama BiH u navedenom iznosu za

Izdaci za osiguranje - konto 613800

Utrošeno je 7.494,00 KM ili (71.40% od planiranih sredstava). Za osiguranje osam vozila utrošeno je 6.306,00 KM i za osiguranje lica koja odlaze na službeni put u inostranstvo 993,00 KM. Troškovi bankarskih usluga iznose 195,00 KM.

Ugovorene usluge - konto 613900

Utrošeno je 199.675,00 KM ili (100,00% od planiranih sredstava).

Posebno navodimo slijedeće:

- Naknade za rad u komisijama (drugih institucija, nadzorni odbori i sl.) evidentiraju na grupi konta 613900 Ugovorene usluge (neto na konto 613950, a odgovarajući porezi i doprinosi na 613988, 613986 i 613987);
- Izdaci za reprezentacije su u okviru odobrenog limita (58.200,00 KM) a izvršenje je 44.562,00 KM ili (76,60%.) Internim pravilnikom su utvrđeni posebni limiti i prava na korištenje reprezentacije. Vršiti se odbijanje od plate za svako pojedinačno prekoračenje. Troškovi reprezentacije po osnovu donacije se regulišu u skladu sa ugovorom o donaciji ili sličnim dokumentom;
- Usluge objavljivanja tendera i oglasa 12.936,00 KM;
- Ostali izdaci za informisanje 2.642,00 KM;
- Izdaci za usluge prevođenja 11.450,00 KM (odobrene aktivnosti u okviru nadležnosti Ministarstva);
- Izdaci za ostale stručne usluge 8.934,00 KM;
- Izdaci za rad u komisija 16.127,00 KM, koji se odnose za isplatu naknade članovima Vijeća za nauku, Komisije za certifikaciju eradikacije poliomijelitisa u BiH i Komisije eksperata za poliomijelitis u BiH;
- Izdaci po osnovu ugovora o djelu 25.000,00 KM: isplata 16.000,00 za ugovore potpisanesa Nacionalnim kontakt tačkama u vezi realizacije učešća BiH u programu HORIZONT EUROPE; Isplata 3.000,00 za poslove aktivacije i uspostavu korisničkih licenci Microsoft 365 Apps for Enterprise i izradu analize računarske opreme; isplata 6.000,00 KM za izvršavanje specifičnih knjigovodstveno računovodstvenih poslova).
- Izdaci za ostale nespomenute usluge i dažbine 37.216,00 KM (održavanje web stranica programa i projekata u nadležnosti MCP BiH i održavanje informacionog sistema u oblasti državljanstva).

Nabavka opreme.

- Izvršena je rezervacija sredstava u vezi provedene nabavke 45 kompjutera u iznosu od 87.633,00 KM.
- Izvršena je nabavka opreme po osnovu donatorskih sredstava (izvor 30) koja je realizirana u programu posebnih namjena –ERASMUS Youth Wiki BA (0701280), u ukupnom iznosu od 9.946,00 KM i EKO BIH mreža (0701930) u iznosu 12.893,00KM.

TEKUĆI GRANTOVI

Napomena:

Tekući grantovi su iskazani u operativnom planu Ministarstva za 2022. godinu u ukupnom iznosu od 5.990.000,00 KM. godinu, a realizacija je iskazana u tabeli kako slijedi:

r. br.	MCP BiH TEKUĆI GRANTOVI za 2022. godinu	konto	Budžet 2022	Unos po osnovu Odluka VM BiH	Izvršenje	Razlika (neutrošeno)
1	Grantovi pojedincima - Grant za dodjelu novčanih nagrada za zaslužne i vrhunske sportiste međunarodnog razreda	614200	100.000	100.000	100.000	0
2	Grantovi pojedincima - Dodjela državne nagrade za sport BiH	614200	10.000	10.000	10.000	0
3	Grantovi neprofitnim organizacijama - Sufinansiranje projekata institucija kulture u Bosni i Hercegovini	614300	3.097.000	3.097.000	3.097.000	0
4	Grantovi neprofitnim organizacijama - Nagrada za nauku	614300	10.000	9.980	9.980	-20
5	Grantovi neprofitnim organizacijama - Međunarodna kulturna saradnja	614300	390.000	390.000	390.000	0

Riječi koje su radi preglednosti u ovoj Odluci navedene u jednom rodu bez diskriminacije se odnose i na muški i na ženski rod.

Izveštaj o implementaciji, Obrazac za narativni izvještaj, u dijelu III *Ukupni korisnici projekta*, propisuje evidentiranje ukupnog broja direktnih i indirektnih korisnika, koliko je od toga žena, a koliko muškaraca, te koliki je procenat iz ugroženih grupa.

- Rodni aspekt u realizaciji grantova pod tačkom 3:

U Zakonu o sportu u Bosni i Hercegovini („Službeni glasnik BiH“, br. 27/08, 102/09 i 66/16) u članu 5. stav (1) definirano je imenovanje i sastav Vijeća za sport Bosne i Hercegovine, gdje je navedeno da se pri imenovanju Vijeća osigura ravnopravna zastupljenost spolova, te da rodna ravnopravnost postoji ukoliko je u Vijeću jedan od spolova zastupljen najmanje 40%. Vijeće ministara Bosne i Hercegovine svake godine, nakon usvajanja Zakona o Budžetu institucija Bosne i Hercegovine i međunarodnih obaveza Bosne i Hercegovine donosi Odluku o kriterijima za raspored sredstava namijenjenih za tekući grant „Sufinansiranje sportskih manifestacija“. U navedenoj odluci se definiraju kriteriji za vrednovanje podnesenih prijava korisnika sredstava, gdje se između ostalog, nalazi kriterij broj učesnika uključenih u projekat i rodna zastupljenost, koji se navode u aplikacionom obrascu. Na taj način je uključen rodni aspekt kod raspodjele grant sredstava. Imajući u vidu gore navedeno i preporuke Agencije za ravnopravnost polova BiH, Sektor za sport svake godine (početkom godine) upućuje akt/upitnik savezima, koji su upisani u registar, koji vodi Ministarstvo civilnih poslova BiH u kojem traži dostavu sljedećih podataka:

1. Strukturu menadžmenta sportske organizacije/saveza u smislu broja muškaraca i žena u upravljačkim tijelima,
2. broj i spol registrovanih takmičara
3. broj i spol trenera i ostalog stručnog osoblja.

Navedeni upitnik se dostavlja savezima i sportskim organizacijama koji su registrirani u skladu sa Pravilnikom u vođenju registra pravnih i fizičkih osoba u oblasti sporta na nivou BiH („Službeni glasnik BiH“, broj 90/17). Naime, intencija je da u budućim kriterijima pravo na apliciranje za grant sredstva bude uveden kriterij da, samo savezi i sportske organizacije koji/e su upisani u registar koji vodi Ministarstvo civilnih poslova BiH mogu aplicirati za grant sredstva. Na taj način bi se uticalo da se svi preostali savezi reorganiziraju i usklade svoje normativne akte sa Zakonom o sportu u BiH, a što su bili u obavezi uraditi u roku od šest mjeseci od dana stupanja na snagu Zakona o sportu u BiH. Nakon prikupljenih podataka sačinjava se tabela sa dostavljenim podacima, na osnovu kojih Sektor za sport ima uvid u rodnu zastupljenost pri evaluaciji projekata, sa naglaskom da mnogi subjekti zanemare dostavljeni upitnik i ne dostave tražene podatke. Navedenim upitnikom nisu obuhvaćeni klubovi, jer su oni članice saveza. Međutim Sektor za sport vodi evidenciju i raspolaže sa informacijama o učešću ženskih klubova kojima su dodijeljena sredstava iz tekućeg granta „Sufinansiranje sportskih manifestacija“ za 2020. i 2022. godinu. Tako je na primjer za 2020. godinu bilo ukupno 121 korisnik grant sredstava. Od toga broja, 32 su bili sportski savezi, a 89 klubovi. Od 89 klubova 7 klubova (ili 6,23%) su isključivo ženski, a od 82 kluba 16 klubova (ili 13,2%) koji imaju ekipe i muškog i ženskog spola. Za 2022. godinu ukupan broj korisnika sredstava je 155, od toga broja 44 su sportski savezi, a 111 su klubovi. Od 111 klubova 8 klubova (ili 8,88%) su isključivo ženski, (40.000,00KM) a od 103 kluba 16 klubova (ili 16,48%) koji imaju ekipe i muškog i ženskog spola. U odluci o kriterijima nije definiran kriterij rodne zastupljenosti prilikom dostave obaveznog izvještaja o namjenskom utrošku dobijenih sredstava, jer je isti definiran kao kriterij kod apliciranja.

U Sektoru za sport postoje još dva granta i to:

- Grant za zaslužne i vrhunske sportiste, koji se dodjeljuje svake godine nakon usvajanja Zakona o Budžetu institucija Bosne i Hercegovine i međunarodnih obaveza Bosne i Hercegovine. Kategorizacija se vrši u skladu sa Pravilnik o kategorizaciji sportista na nivou Bosne i Hercegovine („Službeni glasnik BiH“, broj 52/16), nakon čega ministar civilnih poslova donosi svake godine Odluku o dodjeli zvanja zaslužnog sportiste BiH i vrhunskog sportiste međunarodnog razreda. Odluku o visini jednokratne novčane nagrade za zaslužnog sportistu BiH i vrhunskog sportistu međunarodnog razreda za svaku godinu donosi Vijeće ministara BiH na prijedlog Ministarstva civilnih.
- Grant za državnu nagradu za sport koji se dodjeljuje svake godine i predstavlja najviše priznanje koje BiH dodjeljuje za izuzetan doprinos u razvoju sporta i afirmaciji Bosne

20	Podrška odgovoru na COVID-19 u BiH, nabavka vakcina i materijala	0701C10	30	0,00
21	WHO projekat podrške MCP BiH	0701270	30	6.050,01
22	ERASMUS Youth Wiki BA	0701280	30	27.928,47
UKUPNO:				20.814.487,08

Ukupna prenesena sredstva koja se odnose na izvor 30 iznose 19.956.748,86 KM, a za izvor 10 iznose 857.738,22 KM.

U toku godine izvršen je povrat sredstava donatoru u iznosima od 9.551,31 KM i 145.484,00 KM, a izvršene se uplate u ovom periodu u iznosu od 1.859.545,00 KM. Program JADECARE (0701B50) ja zatvoren nakon što su donatoru u cijelosti vraćena neutrošena sredstva.

U novembru 2022. godine otvoren je novi program posebnih namjena pod nazivom EPICONCEPT Projekat (0701310, izvor 30) i izvršen je unos sredstava u iznosu od 105.882,77 KM.

PROGRAMI POSEBNIH NAMJENA KOMISIJA VIJEĆA MINISTARA BIH

U okviru ukupnog iznosa budžeta, na državne komisije Ministarstva raspoređen je iznos od 258.000,00 KM (Komisija za UNESCO, Državna komisija za granice BiH, Komisija za deminiranje u BiH i Komisija za koordinaciju pitanja mladih u Bosni i Hercegovini).

Ukupno utrošena sredstva u MCP BiH iznose 11.536.924,00 KM, od toga Državna komisija za granice BiH u iznosu od 21.135,00 KM i Komisija za deminiranje u iznosu od 19.997,00 KM (Komisija za UNESCO, i Komisija za koordinaciju pitanja mladih u Bosni i Hercegovini nisu imali troškova u ovom periodu). U prilogu dostavljamo tabelu - Pregled programa posebnih namjena – državne komisije.

- Program br. 1: Komisija za UNESCO

Prema planiranoj dinamici utrošeno je 00,00 KM. Nije bilo isplata za stručne usluge. Naknade se isplaćaju jednokratno nakon što VM BiH usvoji izvještaj za tekuću godinu uz napomenu da naknade nisu isplaćene u 2022. godini. UNESCO je jedina organizacija u okviru UN sistema koja djeluje kroz sistem državnih komisija za UNESCO. Komisija ima mandat ostvarivanja saradnje sa UNESC-om. Državne komisije predstavljaju vezu između država članica i UNESCO-a, i ujedno su savjetodavna tijela Vlada zemalja članica. Uloga, zadaci i međusobni odnosi između nacionalnih komisija, država članice i UNESCO-a utvrđeni su Poveljom o državnim komisijama iz 1978. godine. Članove komisija za UNESCO čine predstavnici obrazovnih, naučnih i kulturnih ustanova, parlamentarci, predstavnici nevladinih organizacija i akademske zajednice. Odlukom o osnivanju Državne komisije za saradnju Bosne i Hercegovine sa Organizacijom Ujedinjenih nacija za obrazovanje, nauku i kulturu (UNESCO) ("Službeni glasnik BiH" broj 77/09), komisija je osnovana kao savjetodavno tijelo Vijeća ministara BiH. Državna komisija za saradnju Bosne i Hercegovine sa UNESCO-m je jedino ovlašteno tijelo koje vrši poslove komunikacije i administracije sa UNESCO-m i određivanje i imenovanje saradnika i partnera za saradnju sa UNESCO-m. Komisija je također zadužena za vršenje sljedećih poslova i zadataka:

a) razmatranje svih pitanja međunarodne saradnje Bosne i Hercegovine i UNESCO-a u oblasti obrazovanja, nauke, kulture i informiranja i davanje mišljenja, preporuka i sugestija o tome Vijeću ministara; b) razmatranje i davanje mišljenja Vijeću ministara o pitanjima koja se odnose na programe i projekte UNESCO-a u kojima treba da učestvuje Bosna i Hercegovina; c) predlaganje Vijeću ministara sastava delegacija za učešće na skupovima UNESCO-a, ili skupovima koje sama organizira; d) učestvovanje u pripremi stavova u vezi sa zaključivanjem ili izvršavanjem ugovora sa UNESCO-m o pitanjima iz oblasti obrazovanja, nauke, kulture i informiranja i davanje mišljenja o tome Vijeću ministara, ministarstvima i drugim organima i institucijama Bosne i Hercegovine na njihov zahtjev; e) razmjenu informativnih materijala preko Ministarstva vanjskih poslova i Ministarstva civilnih poslova i prikupljanje drugih materijala radi korištenja međunarodnih iskustava i znanja u oblasti obrazovanja, nauke, kulture i informiranja do kojih se došlo putem aktivnosti UNESCO-a i upoznavanje institucija i organizacija iz navedenih oblasti sa ciljevima i aktivnostima UNESCO-a; f) predlaganje imenovanja državnih koordinatora (Focal points); g) pripremanje materijala o pitanjima vezanim za saradnju sa UNESCO-m u skladu sa programom rada Vijeća ministara, odnosno na njegov zahtjev. Administrativno-tehničke poslove za potrebe Komisije vrši Ministarstvo civilnih poslova. Planirani budžet Komisije iznosi 56.000,00 KM kojim se pokrivaju tekući

Komisija za koordinaciju pitanja mladih u Bosni i Hercegovini djeluje u okviru MCP BiH, osnovana je Odlukom o osnivanju Komisije za koordinaciju pitanja mladih u Bosni i Hercegovini Vijeća ministara Bosne i Hercegovine ("Službeni glasnik BiH" broj 10/17). Komisija je stalno i najviše savjetodavno tijelo uspostavljenim strukturama za koordinaciju omladinskog sektora u Bosni i Hercegovini. Ista analizira, procjenjuje stanje, napredak i potrebe cjelokupnog omladinskog sektora u BiH, predlaže nadležnim organima strateške reformske prioritete u omladinskom sektoru, daje preporuke za usklađivanje zakonodavstva u BiH u oblasti mladih, procjenjuje stanje implementacije međunarodnih konvencija i deklaracija u oblasti mladih koje je prihvatila BiH, daje savjete i preporuke MCP BiH u oblasti mladih, organizira info dane, konferencije, obuke, treninge, seminare i sl. u oblasti mladih, prati aktivnosti svih međunarodnih programa i projekata pomoći koji se implementiraju u oblasti mladih u BiH, razmatra izvještaje o aktivnostima i rezultatima i daje savjete i preporuke za uspješnu koordinaciju svih projekata i programa i njihovu konzistentnost sa domaćim politikama u oblasti mladih i dr. U skladu sa članom 7. stav (1) Odluke o osnivanju Komisije za koordinaciju pitanja mladih u BiH, Komisija se finansira iz Budžeta institucija Bosne i Hercegovine i međunarodnih obaveza Bosne i Hercegovine. Planirani budžet Komisije u 2021. godini iznosio je 55.000,00 KM. S obzirom na to da pojedine institucije (ministarstva i krovne omladinske organizacije), čiji predstavnici prema Odluci o osnivanju Komisije čine Komisiju, u 2021. godini nisu dostavile prijedloge za imenovanje članova Komisije, koje potvrđuje Vijeće ministara BiH, novi saziv Komisije nije imenovan. U vezi s navedenim nije bilo aktivnosti Komisije u 2021. godini, odnosno nisu realizirana planirana sredstva za rad Komisije.

PROGRAMI POSEBNIH NAMJENA FINANSIRANI IZ DONACIJA I GRANTOVA

- UNESCO: Seminar (0701670)

Izvršen prenos neutrošenih sredstava iz 2021. godine u iznosu od 12.956,00 KM, uplaćeno u toku obračunskog perioda 66.496,00 KM, a utrošeno je 78.567,00 KM. Očekuje se u 2022. godini usvajanje izvještaja od strane donatora. Projekat UNESCO Seminar (0701670) je aktivan. Sredstva su uplaćena na osnovu ugovora sa UNESCO-m za finansiranje aktivnosti Državne komisije za UNESCO i sredstva koja je UNESCO uplatio za projekte koji su podržani u okviru Participacijskog programa. U narednom periodu se očekuje dodatni priliv sredstava koja će po različitom osnovu biti uplaćena na ovaj PPN. U 2022. godini, Akademiji nauka i umjetnosti RS je uplaćeno 8.975,58 KM, odnosno preostali dio (20%) sredstava koja su odobrena u okviru UNESCO Participacijskog programa 2020-2021 (prvi dio sredstava- 80% je prebačen u 2021. godini.) U 2022. godini je na UNESCO Seminar prebačena protivvrijednost u KM od 35.670 USD, koje je UNESCO uplatio za projekte JU Radimlja Stolac (14.480 USD) i Udruženje Hagada Sarajevo (21.190 USD) koji su odobreni u okviru UNESCO Participacijskog programa 2022-2023. Od navedenog iznosa, korisnicima je u 2022. godini prebačeno 80% odobrenih sredstava, a preostalih 20% će biti doznačeno krajem 2023. ili početkom 2024. godine, odnosno nakon završetka realizacije odobrenih projekata i dostavljanja izvještaja UNESCO-u.

- „UNESCO Stećak“ (0701 710)

Izvršen prenos neutrošenih sredstava iz 2021. godine od 320,00 KM. Utrošeno je 00,00 KM. Projekat UNESCO Stećak (0701710) je aktivan, i na njemu se u ovom trenutku nalaze sredstva u iznosu od 319,66 KM koja se prenose u 2023. godinu. Sredstva su uplaćena na osnovu ugovora sa UNESCO-m za finansiranje aktivnosti Državne komisije za UNESCO. U 2022. godini nije bilo rashoda, a u narednom periodu se očekuje ne dodatni priliv sredstava. Status programa će se utvrditi u 2023. godini.

- Regionalni centar za suradnju i azvoj mentalnog zdravlja u JIE“ (0701720)

Izvršen prenos neutrošenih sredstava iz 2021. godine u iznosu od 1.130,00 KM koja se prenose u 2022. godinu. Utrošeno je 0.00 KM. Svjesni rastućih problema u oblasti mentalnog zdravlja u Bosni i Hercegovini i regionu Jugoistočne Evrope, a s namjerom da se podrži implementacija Deklaracije o dugoročnom programu regionalne suradnje i razvoja u oblasti mentalnog zdravlja, koju su potpisali ministri devet država Jugoistočne Evrope i potpisanog Sporazuma o suradnji u oblasti zdravstva, koji su potpisali ministar civilnih poslova BiH, entitetski ministri zdravlja i šef Odjela za zdravstvo i ostale usluge Brčko Distrikta, provedena je procedura za formiranje Regionalnog centra za mentalno zdravlje. Ovim se dala podrška projektu „Izgradnja socijalne kohezije kroz razvoj mentalnog zdravlja u zajednici u Jugoistočnoj Evropi“. Dio sredstava je doniran od strane Vlade Grčke.

mreža se bavi kreiranjem politika i instrumenata za bolje povezivanje i konkurentni razvoj sektora obrazovanja i rada i zapošljavanja na nivou Evropske unije, te njihovo usklađivanje na nivou država članica, kandidata i potencijalnih kandidata za članstvo u Evropsku uniju, sa naglaskom na razvoj i primjenu koncepta cjeloživotnog učenja, ishoda učenja, ključnih kompetencija. EQF mreža je krajem 2016. godine prebačena iz Izvršne agencije za obrazovanje, audiovizuelnu politiku i kulturu u Direktoratu za zapošljavanje Evropske komisije u Briselu. Za provođenje aktivnosti planiranih tekućim projektom, za period 2018-2020, pod nazivom „Daljnji razvoj, provedba i promocija kvalifikacijskog okvira u Bosni i Hercegovini“, potpisan je sporazum sa EU VS/2018/0268, te su odobrena grant sredstva u ukupnom iznosu od 25.969 EUR, od čega nam je uplaćeno 14.368 EUR. Sredstva su potrošena na uspostavu i održavanje web-stranice eqf.ba, prijevod materijala na i sa engleskog jezika, službena putovanja, PTT i usluge osiguranja. S obzirom da je grant istekao krajem 2020. godine, nakon prijema tzv. „debit note“ dio neutrošenih sredstava je u 2022. godini vraćen Evropskoj komisiji, a dio ostaje na raspolaganju Sektoru za obrazovanje MCP (cca 14,500 KM). Nakon isteka ugovorenog projekta 2020. godine Bosna i Hercegovina tj. Sektor za obrazovanje nije korisnik programa posebnih namjena EQF mreža. Program će se zatvoriti u 2023. godini.

- **Jačanje kapaciteta za nadzor i odgovor na avijarnu i pandemijsku influencu u BiH (07011A1)**

Izvršen prenos neutrošenih sredstava iz 2021. godine od 12.956,00 KM, a utrošeno je 12.776,00 KM.

Opšti cilj Projekta bio je jačanje nadzora nad influencom i unapređenje infrastrukture i kapaciteta za ranu detekciju i odgovor na viruse influence u Bosni i Hercegovini. Projekat se finansirao iz sredstava granta američkog Centra za kontrolu i prevenciju bolesti (CDC), a implementirale su ga nadležne institucije u sektoru zdravstva Federacije BiH, Republike Srpske i Brčko distrikta BiH, u koordinaciji sa Ministarstvom civilnih poslova BiH (MCP BiH).

Ukupan budžet Projekta za period od 2016. do 2021. godine iznosio je 3.200.000 KM, a odobran je za svaku projektnu godinu posebno.

Status: Završen. Projektne aktivnosti su implementirane u periodu od 2016-2021. godine. U toku je zatvaranje projekta.

Značaj i efekti projekta za MCP BiH: Doprinos prevenciji, promociji i suzbijanju zaraznih bolesti u BiH. Na podračunu su evidentirana sredstva koja je CDC doznačio za aktivnosti partnerskih institucija iz BiH koje su učestvovala u ovom projektu (MCP BiH, Zavod za javno zdravstvo Federacije BiH, JZU Institut za javno zdravstvo Republike Srpske, Odjeljenje za zdravstvo i ostale usluge Brčko distrikta BiH i Ured za veterinarstvo BiH).

U toku 2022. godine, izvršena je isplata sa podračuna na ime ugovorenih usluga, u ukupnom iznosu 12.776,40 KM.

- **„EU SOCEM – Podrška pružaocima socijalnih usluga i poboljšanje kapaciteta za praćenje u Bosni i Hercegovini“ (0701990)**

Izvršen prenos neutrošenih sredstava iz 2021. godine 59.787,00 KM, a utrošena 00,00 KM. Sredstva obezbjeđena alokacijom sa pozicije Direktni transferi sa JRT, redni broj 5 - Izdvojena sredstva za povlačenje IPA fondova, u iznosu od 117.349,80 KM na Ministarstvo dok se drugi dio sufinansiranja odnosio na Ministarstvo za ljudska prava i izbjeglice Bosne i Hercegovine. Implementacija Projekta je počela 14.07.2015. godine, ali su zbog odgode tokom ljetnih mjeseci ključni stručnjaci počeli sa radom početkom septembra 2015. i trajat će do daljnjeg. Projekat je, između ostalog, usmjeren na podršku razvoja centara za socijalni rad u Bosni i Hercegovini, sa fokusom na poboljšanje zaštite starih lica i lica sa invaliditetom. Projektom su uspostavljena dva pilot „mobilna tima za pomoć u kući starim licima“ i nabavljena su vozila i IT oprema za 12 centara za socijalni rad u oba entiteta. Kroz projekat su sačinjeni prijedlozi normativnih akata koji će poslužiti unapređenju rada u centrima za socijalni rad. Projekat je započet u julu 2015. okončan u julu 2017. godine. Ovaj projekt je finansiran sredstvima u iznosu od 2.200.000 EURA koja su obezbjeđena iz Instrumenta za pretprijetupnu pomoć (IPA) za Bosnu i Hercegovinu za 2011. godinu u iznosu od 1.758.000 EU/ 3.438.349 KM. Projektom zadatkom su predviđena sredstva za sufinansiranje iz Budžeta institucija Bosne i Hercegovine, putem Direktnih transfera sa Jedinšvenog računa Trezora BiH za Ministarstvo civilnih poslova Bosne i Hercegovine u Program posebne namjene u iznosu 60.000 EURA, odnosno 117.349,80 KM. Naznačena sredstva su od strane Ministarstva finansija i trezora Bosne i Hercegovine prebačena na račun Ministarstva civilnih poslova Bosne i Hercegovine. Planirana struktura troškova predviđena za finansiranje navedenim odobrenim sredstvima bila je sljedeća: Putni troškovi za službenike Sektora na radionice i sastanke 15.750,00 KM, Nabavka kancelarijskog

64

Status: Završen. Projektne aktivnosti su implementirane u periodu od 01.05.2018. – 30.04.2022. godine. U toku je zatvaranje projekta.

Značaj i efekti projekta za MCP BiH: Jačanje javnozdravstvenih kapaciteta u cilju prevencije i suzbijanja zaraznih bolesti.

Implementirane aktivnosti: U toku 2022. godine je održana završna konferencija projekta, ali na istoj nisu učestvovali predstavnici iz BiH. Dostavljene su koordinatoru projekta potrebne informacije o učešću BiH u Zajedničkoj akciji HEALTHY GATEWAYS za Drugi periodični izvještaj. Na podračunu su evidentirana sredstva koja je koordinator Zajedničke akcije HEALTHY GATEWAYS doznačio na ime prve (avansne) uplate za dvije institucije iz BiH koje učestvuju u ovom projektu (MCP BiH i Federalno ministarstvo zdravstva) i druge uplate (samo za MCP BiH) koja se doznačava članovima konzorcijuma nakon što EC usvoji Prvi periodični izvještaj o implementaciji projekta. Zbog ograničenja prouzrokovanih pandemijom odnosno kontinuiranog pogoršanja epidemiološke situacije u vezi s COVID-19 nije bilo omogućeno fizičko učešće predstavnika MCP BiH – članova projektnih timova za implementaciju navedenih zajedničkih akcija na sastancima i radionicama u okviru projekta u periodu 2020/2022 i isti su organizovani u online formatu, tako da nije bilo izvršenja rashoda po osnovu putnih troškova. U periodu implementacije projekta (2018/2022) nastale su obaveze po osnovu naknada članovima projektnog tima MCP BiH koji su učestvovali u implementaciji projektnih aktivnosti obuhvaćenih Prvim i Drugim periodičnim izvještajem, ali iste nisu izmirene zaključno sa 31.12.2022. godine. U toku 2022. godine, u skladu sa zahtjevom koordinatora, pokrenuta je procedura za povrat neutrošenih sredstava koja su doznačena MCP BiH, u iznosu 13.205,41 EUR.

- **„Jačanje pripravnosti u EU protiv ozbiljnih prekograničnih prijetnji i podrška implementaciji Međunarodnih zdravstvenih propisa (IHR) - SHARP 2018“ (0701A60)**

Izvršen prenos neutrošenih sredstava iz 2021. godine iznose 120.775,00 KM. a utrošeno je 11.881,00 KM.

Cilj Zajedničke akcije o jačanju pripravnosti u EU protiv ozbiljnih prekograničnih prijetnji i podrška implementaciji Međunarodnih zdravstvenih propisa (IHR) (SHARP): Podrška jačanju pripravnosti, uključujući kapacitete laboratorija, i implementaciji IHR-a u EU. Unaprjeđenje pripravnosti i planiranja odgovora na ozbiljne prekogranične prijetnje po zdravlje.

Status projekta: U toku.

Planirani period implementacije projekta: 01.04.2019. – 31.03.2023.

Značaj i efekti projekta za MCP BiH : Jačanje javnozdravstvenih kapaciteta u cilju prevencije i suzbijanja zaraznih bolesti.

Implementirane aktivnosti: U toku 2022. godine je nastavljena koordinacija, praćenje i učešće u implementaciji projektnih aktivnosti u okviru odabranih radnih paketa, u skladu sa raspoloživim kapacitetima Sektora za zdravstvo. Koordinatoru SHARP-a dostavljen revidirani prijedlog budžeta MCP BiH u vezi s podnošenjem amandmana na Sporazum o grantu. Učešće predstavnika MCP BiH na radionici u Ljubljani/Sloveniji organizovanoj u okviru Radnog paketa 5 i table-top vježbi u Atini/Grčkoj, organizovanoj u okviru Radnog paketa 8. Na podračunu su evidentirana sredstva koja je koordinator Zajedničke akcije o jačanju pripravnosti u EU protiv ozbiljnih prekograničnih prijetnji i podrška implementaciji Međunarodnih zdravstvenih propisa (IHR) (SHARP) doznačio MCP BiH na ime prve (avansne) uplate za implementaciju projektnih aktivnosti u BiH i druge uplate koja se doznačava članovima konzorcijuma nakon što EC usvoji Prvi periodični izvještaj o implementaciji projekta. U periodu 2019/2022. godina, nastale su obaveze po osnovu naknada službenicima MCP BiH koji su učestvovali u implementaciji projektnih aktivnosti i povremeno angažovanom službeniku Zavoda za javno zdravstvo Federacije BiH, ali iste nisu izmirene zaključno sa 31.12.2022. godine. Zbog pogoršane epidemiološke situacije u vezi s COVID-19 u periodu 2020/2021. godine nije bilo izvršenja rashoda po osnovu putnih troškova. U toku 2022. godine izvršene su isplate sa podračuna na ime putnih troškova i ugovorenih usluga (naknada na osnovu Ugovora o djelu za izvršavanje poslova u vezi s provođenjem aktivnosti izrade finansijskih izvještaja MCP BiH za Zajedničku akciju SHARP). Raspoloživa sredstva na PPN-u je potrebno prenijeti u 2023. godinu.

- **Projekat- UNESKO Nauka (0701A80)**

Izvršen prenos neutrošenih sredstava iz 2021. godine, koja iznose 10.487,00 KM, a utrošeno je 0,00 KM. Vijeće ministara BiH je na 131. Sjednici održanoj 30.01.2018. godine razmotrio i usvojio Revidirani okvirni dokument Strategije razvoja nauke u BiH za period 2017-2022.

primjedbe) te je sačinjen nacrt službenog Zahtjeva za povrat viška uplaćenih sredstava. Nakon što je prihvaćen izvještaj od strane UNICEF-a, utvrđen je ukupan iznos povrata sredstava po programima COVAX i EU4HEALTH od 549,131.20 USD koja su uplaćena od strane međunarodne organizacije UNICEF COPENHAGEN 28.09.2022. godine u iznosu od 1.113.653,45 i knjižena na analitički konto 722791 – Ostali prihodi. Iznos od 1.113.653,45 KM je uplaćen po osnovu povrata sredstava nakon što je prihvaćen izvještaj od strane UNICEF-a gdje je utvrđen ukupan iznos sredstava za uplatu po programima COVAX i EU4HEALTH. Sredstva povrata su evidentirana na programima:

1. „Finansiranje troškova iz ugovornih aranžmana za nabavku zdravstvenih protivmjera protiv COVID-19“ – 0701B40, iznos: 1.096.749,27 KM (FOND 30) i
2. „(EU4HEALTH) – Doprinos dostupnosti i pristupu vakcini protiv COVID-19 u BiH – 0701B90 iznos: 16.904,18 KM (FOND 30).

Putem programa posebnih namjena Višegodišnjeg projekta „Finansiranje troškova iz ugovorenih aranžmana za nabavku zdravstvenih protivmjera protiv COVID-19 za period 2020.-2022. godine“ realizirane slijedeće aktivnosti u 2022. godini:

- 1) Donacija Svjetske zdravstvene organizacije (SZO), SARS Spike 5371L5373P 10 KIT-ova, 1 step RT qPCR 100 rxns 10 KIT-ova
Realizacija: 02. februar 2022. godine
- 2) Donacija: Euro-Atlanski Centar za koordinaciju i odgovor na katastrofe (NATO), 30 Panther 5 Ventilator respiratora,
Realizacija: 07. februar 2022. godine
- 3) Donacija UNICEF-a, Face shield 21 000 kom, Boots Size 44-1750 kom, Coverall XL 2600 kom, Coveral L 2600 kom, Goggles 8300 kom, Gloves L-2750 kom, Gloves M-2750 kom, Mask 2498 kom, Boots size 42-1750, Boots Size 43-1750 kom, Coveral M-2600 kom, Gown L-6500 kom, Gpwn XL-6500 kom
Realizacija: 14. februar 2022. godine
- 4) Donacija Svjetske zdravstvene organizacije (SZO), SARS Spike 5371L5373P 16 KIT-ova, 1 step RT qPCR 100rxns 16 KIT-ova
Realizacija: 31.mart 2022. godine
- 5) Donacija: Fond za djecu Ujedinjenih naroda (UNICEF), 6 dizel generatora za tehničku podršku
Realizacija: 05. maj 2022. godine
- 6) Donacija Republike Austrije grada Beča za udruženje „Pomozi.ba“, Einmalkittel/mantel M-295 838 kom, Einmalkittel/mantel XL-146 000 kom, Einmalkittel/mantel XL-576 220 kom, Einmalschutzanzug L-439 734 kom, Einmalschutzanzug M-9 772 kom, Einmalschurze 446 886 kom, Maske FFP1 ohne Ventil 52 925 kom, Maske FFP2 mit Ventil 347 862 kom, Einmalkophaube 1 623 650 kom, Schutzbrille 32 868 kom, Schutzvisier für Brillentraeger 32 868 kom, Schutzvisier 52 120 kom, Maske MNS mit Gummiband 1 674 864 kom, Maske MNS zum Binden 14 269 623 kom, CPA Maske 528 270 kom, Handschuhe L-1 000 000 kom, Handschuhe XL-1 000 000 kom, Handschuhe Steril-2 300 kom.
Realizacija: 16. maj 2022. godine
- 7) Donacija Fonda za djecu Ujedinjenih naroda (UNICEF), 31 Mains Ref. Vestfrost rashladni uređaj za skladištenje i čuvanje vakcina i 3 Spare set per ten seta rezervne opreme za rashladne uređaje. Realizacija: 19. maj 2022. godine.
- 8) Donacija : Fond za djecu Ujedinjenih naroda (UNICEF), 7 Generatora/Generating skid mounted Set Model COELMO: Realizacija: 31.08.2022.
- 9) Donacija : Fond za djecu Ujedinjenih naroda (UNICEF), 3 hladne sobe Zhendre Walk-in type cold room,10 m3 sa 3 stabilizatora napona stabilizer Realizacija: 11.11.2022.
- 10) Donacija Alijanse javnog zdravlja iz Ukrajine 15.000 SARS-COV-2, Panbio COVID-19 Ag (Nasal) testova Realizacija: 16.11.2022.
- 11) Donacija : Fond za djecu Ujedinjenih naroda (UNICEF) 20 jedinica WIC customized shelf opreme za hladni lanac Realizacija: 16.11.2022.

Nabavka vakcina putem donacija:

- 11.01.2022. Donacija SAD - 96.000 doza vakcine Moderna
20.01.2022. Donacija Bugarske - 258.570 doza vakcine BioNTech/Pfizer
04.03.2022. Donacija Republike Poljske - 138.060 doza vakcine BioNTech/Pfizer
27.05.2022. Donacija Republike Hrvatske - 30.420 doza vakcine BioNTech/Pfizer
27.05.2022. Donacija Republike Hrvatske - 25.000 doza vakcine Moderna

nacionalni institut za javno zdravlje (ISS) i u istom je učestvovalo Ministarstvo civilnih poslova BiH, u saradnji sa partnerima - zdravstvenim ustanovama iz Federacije BiH i Republike Srpske. Cilj projekta bio je jačanje kapaciteta zemalja s ciljem efikasne i blagovremene pripremljenosti i odgovora na epidemije, unapređenje nacionalne i prekogranične saradnje i definisanje kapaciteta nacionalnog sistema nadzora javnog zdravlja i regionalnih kanala komunikacije koji će se aktivirati u vrijeme epidemije i pandemije. Projekat je finansiran grant sredstvima odobrenim iz vanrednog javnog poziva Sekretarijata Centralnoevropske inicijative (CEI) objavljenog 2020. godine

Status: Završen. Projektne aktivnosti su implementirane u periodu od oktobra 2020. do aprila 2021. godine.

Značaj i efekti projekta za MCP BiH: Jačanje javnozdravstvenih kapaciteta u cilju prevencije i suzbijanja zaraznih bolesti. U toku 2022. godine izvršena je isplata sa PPN-a na ime ugovorenih usluga (na osnovu zaključenih ugovora o djelu sa tri osobe – predstavnice nadležnih institucija/ustanova iz BiH koje su bile angažovane na implementaciji projektnih aktivnosti). U 2023. godini će se izvršiti zatvaranje PPN-a.

- **Projekat-UNICEF Jačanje ljudskih resursa (0701B70)**

Ukupno uplaćena sredstva u 2021. godini iznose 2.403,00 KM, utrošeno je 76.301,00 KM. Uplaćeno je u 2022. godinu 74.266,00. U periodu od marta 2021. godine do kraja 2022. godine UNICEF je pružao podršku MCP BiH u vidu jačanja ljudskih kapaciteta u Sektoru za zdravstvo u vidu stručno-administrativne potpore za pružanje pomoći pri koordinaciji za COVAX mehanizam, te koordinaciji sa međunarodnom zajednicom po pitanju obezbjeđenja vakcina i opreme za hladni lanac. Podrška je omogućila angažman tri osobe po osnovu ugovora o djelu

Status: Završen. Program podrške je nastavljen u 2023. godini, s tim da je UNICEF proveo proceduru izbora osoba angažovanih po osnovu ugovora o djelu i istima direktno isplaćuje naknade. U 2023. godini će se izvršiti zatvaranje PPN-a.

- **Projekat - Best ReMap - Zajednička akcija o implementaciji potvrđenih najboljih praksi u oblasti ishrane (0701B80)**

Ukupno prenešena sredstva u 2021. godini iznose 133.796,00 KM, a utrošeno je 131.843,00 KM. Izvršen je uplata u 2022. godinu u iznosu od 42.372,00 KM. neutrošenih sredstava u iznosu od 44.325,00 KM. **Cilj** Zajedničke akcije o implementaciji potvrđenih najboljih praksi u oblasti ishrane (Zajednička akcija Best-ReMaP) je prilagođavanje, primjena i implementacija efikasnih zdravstvenih intervencija na temelju dokazanih najboljih praksi u području reformulacije prehrambenih proizvoda, oblikovanje marketinga hrane i javne nabave zdrave hrane u javnim ustanovama što će doprinijeti povećanoj ponudi zdrave prerađene hrane (smanjenjem soli, šećera i masti u prerađenoj hrani).

Status: U toku.

Planirani period implementacije: 01.10.2020. – 30.09.2023.

Značaj i efekti projekta na Program rada MCP BiH za 2022: Doprinos unapređenju kapaciteta u oblasti zdravstva u BiH, jačanje javnozdravstvenih kapaciteta u cilju prevencije i suzbijanja nezaraznih bolesti.

Implementirane aktivnosti: U toku 2022. godine nastavljena je implementacija aktivnosti predviđenih Projektnim prijedlogom. Zbog pandemije COVID-10, većina sastanaka je i dalje organizovana i provođena u online formatu. U februaru 2022. godine, u okviru Radnog paketa 7, MCP BiH je, u saradnji sa Zavodom za javno zdravstvo Federacije BiH i Institutom za javno zdravstvo Republike Srpske, organizovao prvi (online) međusektorski sastanak radnih grupa Federacije BiH i Republike Srpske. Na poziv koordinatora projekta, MCP BiH, Zavod i Institut su pripremili prijedlog amandmana na Sporazum o grantu za Zajedničku akciju Best-ReMaP. Koordinator su dostavljene potrebne informacije za Prvi periodični izvještaj o učešću institucija iz BiH u navedenom projektu. Učešće na online sastancima u okviru Radnog paketa 2 s ciljem organizacije promotivnog događaja o Zajedničkoj akciji Best-ReMaP u BiH. Na podračunu su evidentirana sredstva koja je koordinator Zajedničke akcije Best-ReMaP doznačio MCP BiH na ime prve (avansne) uplate za tri institucije iz BiH koje učestvuju u ovom projektu (MCP BiH, Zavod za javno zdravstvo Federacije BiH i Institut za javno zdravstvo Republike Srpske) i druge uplate koja se doznava članovima konzorcijuma nakon što EC usvoji Prvi periodični izvještaj o implementaciji projekta. U toku 2022. godine, zaključeni su pojedinačni ugovori o međusobnim pravima i obavezama u vezi s provođenjem aktivnosti Zajedničke akcije o implementaciji potvrđenih najboljih praksi u oblasti ishrane, između MCP BiH i Zavoda odnosno između MCP BiH i Instituta. Na osnovu navedenih ugovora, izvršen je

sastanka Upravnog odbora projekta. U toku 2022. godine izvršene su isplate sa podračuna na ime ugovorenih usluga i transfera drugim nivoima vlasti. Raspoloživa sredstva na PPN-u je potrebno prenijeti u 2023. godinu.

- **Projekat - WHO projekat podrške MCP BiH (0701270)**

Ukupno prenešena sredstva u 2021. godine iznose 6.05,00, KM, uplaćeno je 84.416,65 KM a utrošeno je 90.467,00 KM. Na osnovu Ugovora o donaciji između World Health Organization (WHO), odnosno Svjetske zdravstvene organizacije (SZO) i Ministarstva civilnih poslova Bosne i Hercegovine (broj:08-31-2-2175/21 od 17.05.2021. godine), izvršena je 24.05.2021. godine od strane donatora uplata u iznosu 25.452,00 KM. Od juna 2021. do septembra 2022. godine trajala je implementacija Programa „Pružanje pomoći povećanju kapaciteta ljudskih resursa za COVID-19“ koji je donirala Svjetska zdravstvena organizacija BiH. Po osnovu ovog programa Ministarstvo civilnih poslova BiH je po ugovoru o djelu angažovalo šest osoba za implementaciju dogovorenih aktivnosti.

Cilj programa bio je da angažovane osobe pomognu jačanju ljudskih kapaciteta u Sektoru za zdravstvo obavljajući sljedeće aktivnosti:

- Prikupljanje podataka i praćenje svih relevantnih informacija o slučajevima COVID-19 u BiH.
- Prikupljanje podataka sa razine entiteta i Brčko distrikta i formiranje jedinstvenih izvješća koji se unose manuelno, na dnevnoj bazi (7 dana) za cijeli tjedan.
- Priprema i sudjelovanje na Zoom sastancima i konferencijama lokalnog i međunarodnog karaktera za koje je odgovoran Sektor za zdravstvo.
- Svakodnevna obrada predmeta koje je trebalo proučiti i proslijediti Ministarstvu zdravstva Federacije Bosne i Hercegovine, Ministarstvu zdravlja i socijalne zaštite Republike Srpske.

Status: Završen. U toku 2022. godine izvršena je isplata naknade za ugovorene usluge, po osnovu ugovora o djelu zaključenih s angažovanim osobama. Prijedlog Sektora za zdravstvo je da se PPN ne zatvara s obzirom na to da je WHO najavila mogućnost objezbjeđenja slične podrške u toku 2023. godine.

- **ERASMUS Youth Wiki BA (0701280)**

Ukupno prenešena sredstva u 2021. godini iznose 27.928,00 KM, uplaćeno u toku tekuće godine 62.846,00 a utrošeno je 47.638,00 KM.

Ministarstvo civilnih poslova Bosne i Hercegovine je 2021. godine na osnovu učešća u programu Erasmus+ pristupilo online platformi Youth Wiki (<https://national-policies.eacea.ec.europa.eu/youthwiki>) na kojoj su predstavljene informacije o omladinskim politikama evropskih zemalja. Cilj platforme je da pomogne Evropskoj komisiji i državama članicama u donošenju odluka u oblasti omladinskih politika informacija o reformama i inicijativama. Platforma omogućava razmjenu informacija i inovativnih pristupa i može potkrijepiti aktivnosti vršnjačkog učenja. Trenutno 33 zemlje učestvuju u Youth Wiki među kojima je i Bosna i Hercegovina od 2021. godine. Sektor za obrazovanje je aplicirao na grant sredstva i Evropska komisija je odobrila sredstva Bosni i Hercegovini za projekat omladinske wikipedije u iznosu od 27.928,47 KM, o čemu je dostavila obavještenje putem pisma od 14.12.2021. godine. Sporazum o dodjeli grant sredstava Evropske komisije u okviru Youth Wiki platforme za period od 01.04.2021. do 31.03.2022. godine potpisan je u decembru 2021. godine, a aktivnosti predviđene ovim sporazumom realizuju se tokom 2022. godine. U prvih šest mjeseci 2022. godine realizovane su sljedeće aktivnosti:

- izrađena web stranica na koju će biti postavljen pregled omladinskih politika u BiH na tri službena jezika u potrebi u BiH; diso sadržaja je već postavljen;
- izrađeno prvih pet poglavlja o omladinskim politikama u BiH zajedno sa kratkim pregledom, pojmovnikom i referencama, i postavljeno na zvaničnu web stranicu enciklopedije;
- provedena javna nabavka dva laptopa predviđena budžetom projekta;
- otvoreni posebni računi na Facebooku i Twitteru za promociju aktivnosti koje se odvijaju u okviru programa.

Također, Evropska komisija je u martu 2022. godine odobrila novi dvogodišnji grant za period 2022-2024. godina za provedbu aktivnosti u okviru PPN Youth Wiki u iznosu od 55,892.15 KM. Raspisan je tender i izrađeno je preostalih pet poglavlja opisa omladinskih politika u BiH i postavljeno na zvaničnu web stranicu enciklopedije. U 2023. godini planirano je održavanje prezentacije o Youth Wiki projektu u BiH u okviru promotivnih aktivnosti i ažuriranje sadržaja svih deset poglavlja u drugom dijelu godine.

- **EPICONCEPT (0701310)**

ly

Prihodi od vlastite djelatnosti za koje nije zakonski definiran raspored rashoda i koji se uplaćuju na JRT kao javni prihodi

Prihodi od zahtjeva za izdavanje službenih pasoša, Prihod od zahtjeva za prestanak državljanstva BiH, Prihod od izdavanja zajedničkih pasoša, Prihod od izdavanja brodarskih knjižica i Prihod od izdavanja pomorskih knjižica, u ukupnom iznosu od 896.609,00 KM (taksa po osnovu člana 5. Instrukcije o kontroli naplate administrativne takse i prihoda o izdavanju putnih isprava BiH).

Ostali prihodi iznose 1.170.865,00 KM.

Izdvojeno obrazloženje za dio prihoda: iznos od 1.113.653,45 KM je uplaćen od strane međunarodne organizacije UNICEF COPENHAGEN po osnovu povrata sredstava nakon što je prihvaćen izvještaj od strane UNICEF-a gdje je utvrđen ukupan iznos sredstava za uplatu po programima COVAX i EU4HEALTH u ukupnom iznosu od 549,131.20 USD, a koja je realizirana u iznosu od 1.113.653,45 KM. Sredstva povrata su evidentirana na programima:

3. „Finansiranje troškova iz ugovornih aranžmana za nabavku zdravstvenih protivrjeva protiv COVID-19“ – 0701B40, iznos: 1.096.749,27 KM (FOND 30) i
4. „(EU4HEALTH) – Doprinos dostupnosti i pristupu vakcini protiv COVID-19 u BiH – 0701B90 iznos: 16.904,18 KM (FOND 30).

Naknadne i takse ličnih putnih isprava 4.095,00 KM i

Donacije iz inostranstva 707.892,00 KM.

Izvještaji po ovom osnovu se dostavljaju kvartalno MFT BiH.



Službenik za finansije

Edin Salihagić